

在有之今若再行一一翻刊給散各衙門府州縣并儒學屬官及糧里老人官旗人等未免損擾難於徧給今再通行各處官吏軍民人等照依前開各項典章所再遵守不許有違奉

聖旨是欽此

軍民之家服飾不許違禁例

成化二十年十月十四日太子太保都察院左都御史朱 題為禁約奢僭事該巡按浙

江監察御史林誠奉一件禁約奢僭以需

國課照得天生五材軍需藉以辦

國課賴此以供天下民軍宜其安分節奢以愛惜之也臣訪得蘇杭等府織造紗羅段疋等項較之正統年間其價高而物反不知切聞鄉耆皆因地方養蚕出絲與工匠織造比前不能加多近年天下風俗奢侈僭用加前百倍臣訪得蘇杭等州江南繁華之地不特富豪之家甚至賤品市井之人屬沽閭閻之輩婚男嫁女及倡優歌妓夏則紗羅冬則段疋織金綉絲

花樣服色爭尚奇巧全無忌憚以此有恨之  
產物給彼無窮之濫費宜其物價騰湧人趨  
濫惡以致

供應織造往往多不如法不持官加以罪民受重陪而

天下風俗所係

國家名分所係如蒙乞

勅都察院并工部查照上年事例申明備榜加禁約京城  
內外雜行賤品及市井屠沽倡優歌妓之流  
不許奢侈僭用仍議定民間應用之數開坐  
照示使易遵守不敢犯分仍備行浙江等布  
政司及直隸蘇松等府巡撫巡按等官亦照  
例出榜禁約仍著提李鳳憲官時常訪查但  
有違例犯革者即將所禁之物納官變賣銀

兩雜糧本犯照例重加罰贖通備賑濟里老  
鄰佑火甲一體寃治如此則僭以革民用有  
經而明分日正風俗日厚等因奏奉

聖旨該衙門看了來說欽此欽遵臣等伏觀

大明令內一款庶民男女衣服並不得僭用金綉許用紵  
絲綾羅細絹素紗欽此欽遵又查得禮儀定式內一款  
凡文武百官軍民人等衣服帳幔並不許用玄黃紫三  
色并綉龍鳳之紋又查得成化二年二月二

十日該禮部官於

奉天門欽奉

聖旨如今官員軍民人等多有不遵定例僭用服色花樣  
及婦女僭用渾金衣服寶石頭面好生違禮  
紀分恣禮部便出榜於南北二京張掛禁



今後敢有仍前借用輕則依律問罪重則則必殺不饒欽此欽遵又查得成化七年正月初七日刑部尚書陸 等於

奉天門節該欽奉

聖旨近年京城日見奢侈官員軍民人等衣服用度多有不遵定例婦女不分良賤聚用織金衣服寶石頭面今後官員人等衣服首飾各遵定例不許僭分違了的聽給事中御史指實糾劾仍聽錦衣衛分巡官并五城兵馬緝拿送問違禁之物入官犯人輕則依律照例發落重則編發邊衛充軍不饒欽此欽遵節經通行禁約外今監察御史林誠又奏前因緣前事例行之既久人心玩怠奢侈易生誠如本官所言合再申明禁約但要議定民間聽用之數開生

照示及要提學道官時常訪察一節緣軍民之家貧富不等難以拘定數目提學官各有榜掌亦難干預他事合無申明舊例兩京本院出榜禁約直隸并浙江等處有巡撫處行巡撫官無巡撫官行各該巡按御史出榜曉諭禁約官員軍民人等衣服首飾各要遵守前項舊例并節奉

欽依榜文事例不許僭用如有故禁兩京許六科十三道糾劾錦衣衛巡捕官五城兵馬緝拿送官在外許里巷隣佑人等赴官首告追究明白違犯之人依律問罪照例發落違禁之物入官如此則法令嚴明人知警懼具題奉

聖旨准擬欽此